

Inatsisartut aalajangiiffigisassaattut siunnersuut Naalakkersuisut peqquneqassasut nalunaarusioqqullugit suleriaatsit eqaallisarumallugit, peqqinnissaqarfimmi imminut sullinnerup eqqunneqarnerata aningaasaqarnikkut allaffissornikkullu kingunerisassaasa kiisalu inuiaqtiginnut iluaqtissartaasa ersarissarnissaat siunertalarugu, taamaalillunilu sulisut napparsimasunut innuttaasunullu toqqaannartumik attaveqarnermut atorneqarsinnaaqqullugit. Nassuiat UPA 2023 nallertinnagu Inatsisartunut agguaanneqassaaq.

(Inatsisartunut ilaasortaq Anna Wagenheim, Demokraatit).

Akissuteqaat

(Peqqinnissamut Naalakkersuisoq)

Siullermeerneqarnera

Naalakkersuisut siunnersuuteqartoq Anna Wangenheim, Demokraatit, Peqqinnissaqarfimmi suleriaatsit pisariillisiarniarlugit taamaalillugulu napparsimasunut innuttaasunullu toqqaannartumik passussisussat amerlisinniarlugit aningaasatigut allaffissornikkullu kingunerisassat aamma Peqqinnissaqarfimmi imminut sullissinnaanerit iluaqtissartaasa qulaajaaffigineqarnissaat siunertalarugit siunnersuutaanut qujapput, siunnersuullu UPA2023 nallertinnagu Inatsisartunut agguaanneqassaaq.

Naalakkersuisuni digitaliusunik aaqqiissutissanik peqartoq ilisimavaat, aaqqiissutillu Peqqinnissaqarfipi oqartussaaffigisaani sukkannerusumik sunniuteqarluarnerusumillu qulaajaanissanut aamma katsorsaanissanut iluaqtaasinnaapput. Tamatuma saniatigut nunani tamalaani silarsuarmut digitaliunerusumut ineriertortitsinerit aamma Peqqinnissaqarfimmut suliassaqarfimmi eqquumaffigivagut.

Nunatsinni maani Peqqinnissaqarfimmut suliassaqarfiit ilaanni pingaarutilinni ineriertortitsinerit malinnaaffigaagut. Ukiuni qulikkuutaani telemedicinimik aaqqiinerit, assersuutigalugu Peqqinnissaqarfimmi sulinernut ilangunneqarsimapput, tamannalu innuttaasut peqqinnissaqarfimmi sullinneqarnissaannut aalajangiisuusumik pingaaruteqarsimapput. Taamannak digitaliseriineq ukiuni aggersuni ineriertorteqqinnejassaaq.

Naalakkersuisut suleriaaseq maanna atuuttoq qarasaasiatigullu nutarsaanissamut periusissat misissornissaat siunertaaraat. Assersuutigalugu Peqqinnissaqarfimmi ungasianiit nakorsiarttsinermi atorneqartartoq "Pipaluk" atorunnaalerpoq. Taamaammat maannakkorpiaq Peqqinnissaqarfimmi immikkoortortanut tamanut ungasianiit nakorsiarttsinermi atortunik nutaanik toqqaanissaq sulissutigineqarpoq. Suliaq tamanna Inuunerissaavik Steno-mi (SDCG) tunngavissineqarpoq aammalu SDCG-mut aningaasaliissutigut aningaasalersorneqarpoq.

Ungasianiit nakorsiarttsinermi atortorissaarutitigut suliniutit saniatigut Peqqinnissaqarfimmi sumiiffiit ataasiakkaat pisariaqartitaat naapertorlugit pisariillisaanermik suliaqartoqarpoq.

Maanna Naalakkersuisut innuttaasoq Peqqinnissaqarfimmut attaveqarnissamut ilitsersuummik paasitsiniaasumik sulissuteqarput. Aamma Peqqinnissamut ataatsimiititaliarsuaqarpugut qarasaasiat atorsinnaasut pillugit misissuisussanik.

Naak suliniuteqartoqaraluartoq Naalakkersuisut eqqumaffigaat Peqqinnissaqarfimmut iluaqutaasussanik digitaliusunik imminut sullinnissamut aaqqiissuteqartoq. Taamaattorli Naalakkersuisut naliliipput, maannakkut Peqqinnissaqarfimmi ungasianiiit nakorsiartitsineq atorlugu suliniutinik ineriartortsinerit annertuut aamma Peqqinnissaq pillugu ataatsimiititaliarsuarmiit suliat annertuut qitiutinneqartariaqartut. Tamanna ilutigalugu Naalakkersuisuniit naatsorsuutigineqarpoq, ungasianiiit nakorsiartitsinermut atortut nutaat atulersinneqarneranni misilitakkat siunissami Peqqinnissaqarfimmi annertunerusumik digitaliusumik imminut sullinnissamut tunngavileeqataajumaartut.

Taamaattumik nutaamik nalunaarusiornani, nukiit maannamut atuuttut suliniutinut aallartinneqareernikunut atornissaat Naalakkersuisut Inatsisartunut innersuussutigissavaat. Taamaattumik Naalakkersuisut siunnersuutigineqartoq isumaqataaffigingilaat.